



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XVI. Wichmann, Erzbischof in Magdeburg, bestätigt die Errichtung des Brandenburger Domcapitels 1161.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

predictus ordo Premonstratensis in ea semper perseveret, auctoritate beati Petri et nostra confirmamus. Quodsi quis hoc factum violare presumpserit, anathematis vinculo, donec resipiscat, semper adstrictus maneat. Actum Magdeburg, anno incarnationis dominice M^o. C^o. LXI^o. indictione IX. Hujus rei testes sunt Arnoldus, abbas de Nienburg, Hazeko, decanus majoris ecclesie Magdeburgensis, et tota Magdeburgensis ecclesia, Balderammus, prepositus beate Marie Magdeburgensis, Reinerus, prepositus in Liezke, cum fratribus suis, qui illic presentes aderant, Conradus, prepositus de Hallo, Ekhardus, prepositus de Monte sereno, Adelbertus, marchio, Otto et Albertus, filii ejus, Otto et Theodoricus, marchiones, Henricus et Dedo, comites, filii marchionis Conradi, Burchardus, castellanus de Magdeburg, Burchardus, comes de Valekenstein, Badericus, comes, ministeriales Magdeburgensis ecclesie Richardus, Gernothus, Conradus et alii quam plures.

Nach dem Originale.

XVI. Wichmann, Erzbischof in Magdeburg, bestätigt die Errichtung des Brandenburger Domcapitels 1161.

Ego Wichmannus, dei gratia metropolitane Magdeburgensis ecclesie archiepiscopus, dilecto filio meo Wilmaro, Brandenburgensis ecclesie episcopo, ut in urbe sua cathedrali, scilicet Brandenburg, honorem dei innovaret atque exaltaret, ego, inquam, simul et ecclesia mea consilium dedimus. Urbs enim prenominata fere usque ad tempora prememorati filii nostri a paganis possessa et idolorum cultura incepta fuit; at deo adjuvante et nostro magno labore cooperante, cum multa sanguinis effusione nobilium nec non et aliorum, ad possessionem Christianorum rediit. Quocirca amplius ut illic honoraretur deus, desideravimus. Prefatus ergo filius meus scilicet Wilmarus, Brandenburgensis episcopus, juxta nostrum consilium in urbe illa, scilicet Brandenburg, Canonicos, secundum regulam beati Augustini sub norma Premonstratensis ordinis degentes, prepositum ejusdem ordinis eis presiciens, instituit et eis prebendas de bonis ecclesie contradidit. Dedit enim eis et in publica synodo Magdeburgensi, me primum confirmante, confirmavit has illas: Bukowe cum decimis et omnibus appendiciis, Garceliz cum decimis et omnibus appendiciis, Bultiz cum decimis et omnibus appendiciis, Mucelitz, Gorne cum decimis et omnibus appendiciis; preterea duos lacus qui sunt iuxta latus Burguardi Pritzeuuni versus castrum Brandenburg in usus fratrum perpetua stabilitate dedit. Preterea archidiaconatum episcopatus divisit et Wiberto, Brandenburgensis ecclesie preposito ejusque successoribus archidiaconatum totius terre de Havele versus orientem usque Oderam versus occidentem usque aquam, que Yla dicitur, preterea de burguardis Schartouue, Mukerne, Louburg, excepta ecclesia Dalechouue, preterea de Bucouue, Goroeke, Redrike, Wisenburg, Beltitz, Mordiz, Niemic, Juterbuc perpetuo confirmavit. At relique partis episcopatus archidiaconatum ecclesie beate Marie sanctique Petri in monte juxta Lieceke perpetuo concessit. Hec omnia a filio nostro Brandenburgensi episcopo Wilmaro dispensata et facta; villas quoque et mansos, Brandenburgensi ecclesie a principibus datos cum omnibus appendiciis villam scilicet Ture, Tremene, Muczouue, preterea omne jus canonicum, quod ecclesia cathedralis Brandenburgensis habere debet, eidem ecclesie et ut predictus ordo, scilicet

Haupth. I. Bd. VIII

14

Premonstratensis ibi semper perseveret, auctoritate beati Petri et nostra confirmamus. Quod si quis hoc factum violare presumpserit, anathematis vinculo, donec respiscat, semper astrictus maneat. Acta sunt hec anno incarnationis dominice M. C. LXI. indictione IX. Hujus rei testes sumus: ego Arnoldus, abbas de Nienburg, decanus Hazeko majoris ecclesie Magdaburg, et tota ecclesia, que in eadem synodo presens fuit. Balderammus, prepositus beate Marie in Magdaburg, Conradus, prepositus de Hallo, Ekehardus, prepositus de Monte sereno, Albertus, marchio, Otto et Albertus filii ejus, Otto et Theodoricus, marchiones, Heinricus, Dedo, comites, filii marchionis Conradi, Burchardus, castellanus de Magdaburg, Burchardus, comes de Valkenstein, Bedericus, comes, ministeriales Magdeburgensis ecclesie Richardus, Gernotus, Conradus et alii quam plures nec non et Reinerus, prepositus de Lieceke cum fratribus suis, qui illic presentes aderant.

Nach dem Originale.

XVII. Rudolph von Jericho schenkt dem Domcapitel das Dorf Damme, vor 1164.

Notum sit omnibus Christi fidelibus, tam futuris quam presentibus imperpetuum. Quod dignum et iustum est et hactenus ecclesiastico jure celebratur, ut pauperes Christi oblationibus fidelium sustententur, ego Rodolfus, divine retributionis intuitu et pro remedio anime mee, et patris mei et matris mee et domini Hartmanni, ecclesie Brandenburgensi contuli villam videlicet Dambe. Quapropter petimus, ut in eadem ecclesia memoria beati Johannis ante portam latinam celebri devotione agatur, et fratres ibidem deo regulariter servientes ipsa die de redditibus prenotate ville amplioris portionis impertionem percipiant, post obitum vero meum superioribus mutatis, die anniversarii mei pro memoria anime mee presignati beneficii collatione fratres resciantur. De cetero rogamus, ut prefati Hartmanni memoria in communi commemoratione animarum apud vos annuatim fraterne agatur. Amen.

Nach dem Originale.

XVIII. Markgraf Otto I. bestätigt dem Domcapitel die Schenkung des Dorfes Damme, am 2. Juni 1164.

Quoniam iustum est nobis, qui divitias hujus mundi accepimus, elemosynarum largitate amicos in deo facere, ut, cum res mundi deficiant, nos in eterna tabernacula recipiant, ego Otto, dei gratia Brandenburgensis marchio, villam Damba, a Rodolfo de Jhericho, fidei nostro, zelo dei resignatam, siquidem illam in beneficium tenuit, illam, inquam, Wiberto, Brandenburgensi ecclesie preposito et suis fratribus eorumque omnibus successoribus, Wilmaro, Brandenburgensi episcopo, decimas simul dante, perpetua stabilitate in usus necessarios cum omnibus appendiciis contradidi et hanc nostram donationem ad posteritatis memoriam per presentem paginam sigilli nostri impressione signatam confirmavi. Et ut hoc factum inconvulsum permaneat, majestatis imperialis consensu et auctoritate feci, sicut monstrat pagina privilegii, Brandenburgensi ecclesie ab honorabili